

近代中國史料叢刊第五十七輯
沈雲龍 主編

會澤唐氏榮哀錄

佚名編

文海出版社
印行

中華民國五十九年十月初版

近代中國史料叢刊

第五十七輯

精裝：十四冊
定價：新台幣



版權所有

主編者：沈

雲

龍

發行人：李

振

華

出版者：文

海

出

版

社

郵政劃撥戶第二七八四號
電話：九二—二六五九號

印刷者：美明美術印刷廠

臺北市康定路二〇二號

經銷者：全省各大書局

內政部登記證內版台業字第〇八〇〇號

祭文
家祭文
像贊
誄文
哀啓
行述
輓詩

會澤唐中米太赤子榮哀錄

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



祭文
家祭文
像贊
墓表
傳
誄文

哀啓
行述
輓詩

會澤唐太公翁榮哀錄

像贊	墓表	墓誌銘	傳	碑文	祭文
家祭文	行述	事畧	輓聯	祠墓聯額	輓詩

會澤唐中書丞李元榮墓誌

祭文

大總統黎元洪

維中華民國八年月日大總統黎元洪特派代表陳敬以香帛
牲醴不腆之儀致祭於旌表節孝唐太母朱祖太夫人之靈曰
嗚呼南極掩曜寶婺沉暉五雲絢素六詔含悲懿鑠太母柔嘉
維則聞耗增哀敢述徽德作嬪盛族遠事王姑婦容棣棣投溫
承愉勗其夫子聞鷄戒旦少君鹿車孟光鴻業忽痛離絃遠傷
別鵠茹苦含辛以謀事畜架架佳兒雁行入塾夜月青燈機聲
和讀性好施與既優且渥躬鮮華服終年浣濯荼苦濟甘樹培
木厚德茂於身慶鍾厥後雨到雙丁翱翔雲蕞清流濯鱗順風
驤首觥觥長公如宋歐陽仲氏跋浪桂挹天香積善之家門庭

祭文

大總統黎元洪

維中華民國八年月日大總統黎元洪特派代表陳敬以香帛
牲醴不腆之儀致祭於旌表節孝唐太母朱祖太夫人之靈曰
嗚呼南極掩曜寶婺沉暉五雲絢素六詔含悲懿鑠太母柔嘉
維則聞耗增哀敢述徽德作嬪盛族遠事王姑婦容棣棣投溫
承愉勗其夫子聞鷄戒旦少君鹿車孟光鴻業忽痛離絃遠傷
別鵠茹苦含辛以謀事畜架架佳兒雁行入塾夜月青燈機聲
和讀性好施與既優且渥躬鮮華服終年浣濯荼苦濟甘樹培
木厚德茂於身慶鍾厥後雨到雙丁翱翔雲蕞清流濯鱗順風
驤首觥觥長公如宋歐陽仲氏跋浪桂挹天香積善之家門庭

必大遂啟孫謀主持東亞晚清末李庶政不綱屯濟府怨草菅
萬方我領一軍為民請命英英文孫山崩鐘應同絜山河還我
漢土五色國旗赫照萬古忽興帝制壞我共和時忝二副手無
寸柯賴有文孫大張撻伐為天下先以一服八遂殄元頑坤輿
不改國論烟塘瞬又三載西南護法用奠九垓太母之教文孫
之才更有諸孫蘭芽茁起夔也最良乘風萬里我交令孫遜琨
同志重闡之慶在遠能識珂鄉頻年災區甚廣捐珥助資兩滋
露養裴度旋師慈輿往看下馬叩謁萬口稱歎凡此優遊宜增
老福八旬方健化臺已築雪翅飄鸞仙音替燭月暗蕙幃風淒
松谷嗚呼滇海蒼涼津沽頌洞鴈字絨悲魚書增痛執紼無從
望風遠動致生芻蕘停雲鞚尚饗

政務總裁岑春煊

維中華民國八年月建戊辰祭日己亥軍政府政務主席總裁
 岑春煊謹以羊一豕一香帛酒醴不腆之儀致祭於唐母朱太
 夫人之靈前曰嗚呼溯周家之母儀兮實姜嫄之肇起達太姒
 與太姒兮又能媿夫前美仰慈範於滇中兮叶坤貞而繼其軌
 條駕鸞以西歸兮積愁氛而靡已瞻華山其慘淡兮聽薤歌而
 哀莫止俯昆海以荒渺兮神惝恍其誰似惟太夫人以沛國之
 望族兮鍾翠屏之精英幼即聰明端厚兮長即著乎賢名事姑
 孝而傳遠近兮獲閭里之歡聲操家政而善理財兮尚節儉而
 歲有奇贏清宿逋而復故業兮助餉糈猶費經營勤婦職以勞
 紡織兮體內則而致精誠痛阮瑤之無年兮幾墮淚而城傾勉

寄生於人世兮撫孤猶期其功成效政母之教子兮畫蘆荻以
傳心及機雲之成名兮如玉峯之雙森誰謂天道之無知兮明
德之後有達人掃胡氛兮北薊伸民氣兮南天勞數年之鞍馬
兮咸福國而利民念勲業已蓋世兮又豈儕輩之等倫溯淵源
之有自兮惟祖訓之常遵年逾耄以壽考兮溫厚和平見其仁
胡嫠隕於天邊兮登仙籍而素紅塵感逝者之如斯兮歷千古
而未有備椒酒與桂漿兮望翩然而回首來格來享兮庶精靈
猶傍北斗願寫生平之箴規兮俾士女常頌口嗚呼尚饗

貴州督軍兼省長劉顯世

維中華民國八年歲次己未月建戌辰朔日壬午祭日辛丑貴
州督軍兼省長世再姪劉顯世遣使劉志道謹獻清酒穀核不

腆之儀祭於旌表節孝唐太伯母朱太夫人之靈前曰嗚呼瞻
彼孀婺於天有光鍾靈士女家室熾昌大哉唐母生而溫良幼
持內政家用平康作楣於未來續於唐立婦之道惟勤以孝相
夫克家育子率教芹桂聯榮松柏是操天眷清門會運貞元迺
隆食報佑及子孫惟母垂訓懿行嘉言貽謀燕翼鄙視魚軒弗
盈弗溢是用不諼惟天有勲媯皇補之惟民有飢唐母撫之厥
功與德俟其禕而天禍中華誰護國家文孫于役我與同車成
功由訓溫語有加遙瞻慈行遽證曇花巍巍華山蕩蕩昆海淒
風涼雨常形頓改我望長空雲霧濛濛道路修阻既怨復恫遣
使代奠表子寸衷音容若在式此遺風嗚呼哀哉尚饗

軍政府參謀部部長李烈鈞

維大中華民國八年四月十六日再姪李烈鈞恭遣代表楊賡
筮以椒漿絮酒之儀致奠於唐太伯母朱太夫人之靈先冠而
言曰於戲純鈞之劍經濯辟而後成款冬之華開冰霜而斯耀
惟太伯母係出名門嬪歸望族稟柔嘉而表度崇芬惠以翔聲
而乃占先號後笑之久柏舟茹苦驗始艮終盈之理蔗境四甘
斯固天心之所厚節孝然亦貞操之能動神鬼也當其三辰莫
告一死靡它筮篋之曲難終卷菴之心獨苦豈不身拚化石志
決摩笄惟是上有孀姑已臻暮景下遺弱息俱在離齡遂乃辛
苦牽蘿支離恤緯以婦代子體循孩之歡為兒作師勉折衷之
教每值荒雞踞旦新雁啼涼奉甘旨於寢門瑱環長撤課經書
於稚子篝火同親如斯楚獨誰喻隱憂洵乎魄鍊媯皇之石淚

傾鮫女之珠矣然而茹荼雖苦倚竹忘寒料理米鹽日操量鼓
儲收薑蒜不挂屏風門庭常覺其春多婢媪亦分其冬愛議者
早知此家之必大君子所謂明德之克昌也迨至吉嗣揚鏡功
成畫荻文孫靖國志懌含飴方冀太伯母萱座增榮板輿長御
壽直屈夫期頤光特昭乎寶婺樹坤維之內則為民國之母儀
何意爛熳春暉奄收世跡艷陽天氣遽散慈雲豈不痛哉豈不
痛哉烈鈞分居再晚久仰重闈東風不便弔喪愧未登堂南海
雖遙致祭敢忘遣使念小人之有母益用傷神願瑤島之通誠
伏維尚饗

廣東督軍莫榮新

維中華民國八年四月日廣東督軍莫榮新謹以羊豕清酒庶

羞之儀祭致於唐老伯母朱太夫人之靈曰伊令德之庥徵肇
錫類於嘉祥鍾扶輿之靈秀斯耀彩而流光是故坤主乎靜乾
象其仁仰焉為日月之精俯焉為川嶽之停積善之家必有餘
慶明德之後代有達人簡策所符靡越古今惟我唐母朱太夫
人令聞沛國世德晉陽蔭累葉之清芬式母範於珂鄉樹盈庭
之蘭桂作柱國之棟梁既昌大於門閭延光耀夫家邦慨中原
之泯替付勲業於文孫帝制云俎護法再起天下咸頌義聲於
滇池而節府則致顯揚於庭訓陶士行八州作督家有義方郭
汾陽五世簪纓人稱祖母自古嘉福壽考蔭及子孫從未有如
斯之盛者也何松柏之青青兮鍊冰雪以相尋感天中之寶婺
兮輝遠曜於後昆泰山梁木悵矣哀榮金馬碧雞心焉鬱結嗚

呼歐風亞雨愴莽蕩之乾坤粵海滇山薦馨香於中愴瞻儀寰
寓西池降王母之蹤淨願梵天南海效觀音之誦千秋俎豆長
播徽音昭代河山敬銘懿德靈其式憑來格來嘗尚饗

鄂西川陝慰問使藍天蔚

維中華民國八年四月日鄂西川陝慰問使藍天蔚謹以一豕
一羊香帛酒醴致祭於唐母朱太夫人之靈前曰嗚呼吾聞古
之賢母其行見於彤史其事勒諸名山為天下後世所景仰者
固不一人然能盛美完福如太老夫人者既託身於君子與其
來嗣者之崢嶸甚不易覲也嗚呼太夫人訃音傳至天蔚浣誦
其行述知太夫人幼以孝奉庭闈長以順事孀姑復以清節著
聞於鄉里及至晚歲益以福蔭襲其子孫是所謂行若瓊瑤其

生也舜英其歿也光榮者歟嗚呼若太夫人者又何謂福美之俱備者也抑聞之前賢有言天地者羣生之所寄終始者萬物之歸惟令名之不滅則黃壤其如携籥繹斯語則吾又何歎歎敢告靈前伏維尚饗

督辦粵贛湘邊防軍務駐粵滇軍總司令李根源第三師師長李天保第四師師長朱培德軍部參謀長楊晉步兵第五旅旅長盛榮超步兵第二十旅旅長楊益謙步兵第六旅旅長李鳳岐講武分校校長張懷信兵站監郵崇灝第三師參謀長張惟聖第四師參謀長兼代步兵第三十八團團長王均步兵第二十五團團長趙德裕步兵第十團團長楊為模步兵第三十一團團長洪錫齡步兵第

三十六團團長孫開運步兵第四十一團團長董清華砲
兵第三團團長魯子材謹率全體官佐士兵

維中華民國八年月日督辦粵贛湘邊防軍務駐粵滇軍總司
令李根源第三師師長李天保第四師師長朱培德軍部參謀
長楊晉步兵第五旅旅長盛榮超步兵第二十旅旅長楊益謙
步兵第六旅旅長李鳳岐講武分校校長張懷信兵站監鄒崇
灝第三師參謀長張惟聖第四師參謀長兼代步兵第三十八
團團長王均步兵第二十五團團長趙德裕步兵第十一團團
長楊為模步兵第三十一團團長洪錫齡步兵第三十六團團
長孫開運步兵第四十一團團長董清華砲兵第三團團長魯
子材謹率全體官佐士兵等謹以羊豕清酒庶羞之儀遣代表

朱兆奎致祭於唐母朱太夫人之靈緬昔姜嫄啟緒姬昌受西
伯而專位魯道衰遲漆室念宗邦而隱喟伊古以來女德尚矣
伏維太夫人淑慎翔聲貞明撫範早歲矢柏舟之節匪石心堅
中年課柳母之書丸熊意苦衣幅見子式母儀於南天節鉞兼
圻蔚孫枝於累葉渥鸞綸以慶積善苦蘖方春看烏私而報含
飴錫圭為壽胡乃婺沈滇海雲黯仙鄉愴懷德音海內欽其孝
義楷模懿訓梓桑敬其賢明於戲識廢知興信貽謀之有自承
家開國徽德門之必昌尚饗

殷承璣黃毓成韓鳳樓楊杰葉成林

維大中華民國八年歲次己未季春月癸亥朔越祭日庚子世
再姪殷承璣黃毓成韓鳳樓楊杰葉成林等謹以剛鬣柔毛清

酌香楮庶羞不腆之儀致祭於唐太伯母朱太夫人之靈曰維
太夫人福德無疆誕降沛國嬪於晉陽鍾靈毓秀慈惠溫莊節
操松柏志凜冰霜家政嚴肅國事轉匡有典有則克紀克綱鄉
里之式邦家之光方冀遐齡既壽永康胡天不弔女宗云亡三
迤沈瀾四民悽愴忝屬世誼倍增感傷緬懷遺範德音不忘謹
獻東甌聊奠椒漿靈其不爽來格來嘗鑒茲哀忱嗚呼尚饗

陸軍中將少將劉家敬楊曾蔚黃瑞霖姚以价

維中華民國八年四月十七日陸軍中將少將世再姪劉家敬
楊曾蔚黃瑞霖姚以价謹具香簋牲禮致祭於唐太伯母朱太
夫人之靈曰惟母之孝克感天庭鬼神為泣邦家是正惟母之
節鐵骨冰心姍親穆服抗古美令惟母之教丸熊畫荻天哀苦

心福賚累，惟母之慈，已溺已飢，賑濟東川，起死拯危，大仁大孝，出自精誠，金石為開，澤蔭雲初，天報善人，理無或爽，明旌厥名，幽隆厥享，金馬之靈，碧雞之神，雲霄擁護，升玄返真，玉素堂堂，松柏蒼蒼，震令巍後，萬民式望，尚饗。

靖國第一軍軍長陸軍中將顧品珍

維民國八年歲次己未月建戊辰朔日癸未祭日辛丑，靖國第一軍軍長陸軍中將世再姪顧品珍，專派本軍參軍官施懷馨，副官長張卓元，謹以剛鬣柔毛，醪餼之儀，恭代祭於旌表節孝，唐太伯母朱太夫人之靈，曰嗚呼！征人勞止，蜀道難哉，悠悠我里，佇立徘徊，承函三百，亭外恍惚，魄動而心為之摧，品珍於行輩為孫同讐，偕作惟有，愿年並思，爾爾往救，恨無羽翼，飛越

乎閭闔謹以生芻一束遣使致祭懷歎賦詞寄與涕泗嗚呼哀
哉成周二南之化亙古亙今所仰而宗而推原本始厥由太妊
周姜太姒化起於閨門之中嗚呼節母遠取法周家三后內則
效劉羅而太夫人以擴而充以遞嬗於元窮令夫日薄星迴穹
天所以紀物山盈川冲后土所以播氣五行錯而致用四時違
而成歲其於人也當雨露之方將先冰霜之厯試必經辛苦之
難還乘除而後豐厚福澤如山之苞如川之流其來也有自彼
昏昏者不知謂蒼蒼其如醉不亦異哉觀吾節母太夫人乃爽
然夫天之可信而理之無二也方其來嬪於唐也事姑則衣裳
必潔甘旨必嘗溫清定省莫敢或違值四郊多壘捨攘倉皇勗
哉夫子慮學殖之或荒舉外內事凡百獨當及其不幸而嬪也

曰姑在高堂稚弱相望吾代夫奉姑姑子死如未死吾為夫鞠
子吾夫死而不亡吾節孝之門天道惟彰即婦即子即母即父
笑語解姑憂空房淚如雨既而伯入膠庠仲登賢書子克承家
若作室肯堂肯構孫能開國彼治軍如火如荼其後必大亶其
然乎達人當世其信然歟邈清室之末造慨四國其無政惟元
孫偕我同人毅然而革命歲在辛亥九月九日之夕反之正泊
夫袁氏竊國羣雄風靡赫赫元孫憤發其所為天下雄以起登
首山一呼殄殲乃讐以敗以死蓋元龍絕氣非命之運驅除大
盜翳我太夫人之訓於是極錦衣玉食之奉夏屋之安而母澹
然僉曰八座太夫人瞻之如雲而母冲然恭儉有禮躬自率先
特凜乎戒惡終焉怙侈滅義監茲殷多士之家凡厥困者貧者

必周之不厭其奢諄諄然以散財為急於饒節母德音不瑕戊
午大水滇東告飢母聞而憂惶屏營不知所為思飢溺由己則
出資助施至于再至于三死人生之而白骨肉之嗚呼天地以
好生為心者也節母之心天地之心也願節母子子孫孫以節
母之心為心也我節母之量海涵而地負也我節母之福九疇
之五無不有也我節母之名晉之陶唐之柳也我節母德合元
疆在坤之六五元吉而无咎也重曰金碧山兮矗雲表金沙江
兮衆流小苦節之萬萬兮純孝之顛顛兮與河嶽而不老兮以
莫不興誦天保兮嗚呼哀哉尚饗

雲南陸軍第一衛戍區總司令官兼迤西勦匪督辦孫永
安雲南騰越道道尹兼督關務由人龍率所屬文武官吏

維民國八年歲次乙未季春之月越朔日雲南陸軍第一衛戍
區總司令官兼迤西勦匪督辦世再姪孫永安雲南騰越道道
尹兼督關務世再姪由人龍率所屬文武官吏謹以不腆之儀
致祭於唐母朱祖太夫人之靈曰嗚呼石徙媧皇峯頽天姥婺
掩南天愁生北渚一痛慈雲同揮泣雨猗歟太母女中之師柏
舟遺範樛木流慈幼秉淑姿幽閑貞靜來歸名門無漸淵令喪
亂中遭艱辛備嘗下劬子姓上慰尊章儉以持恭驕以示誠五
十餘年始終周懈就養滇中於今十載幕府宏開崇極鼎鼎代
本桐封巍巍華胄門列榮戟家承組綬既詒令子遂啟賢孫經
文緯武玉季金昆第一孫枝獨標穎異譽重八洲聲高連帥鴻
漸九達騰驤七萃蜀黔桂管同舟共濟柱歲岷峨唇齒構患親

整六師解紛排難振旅歸來衣幅而見含飴之樂歡承笑晏而
我太母不忘鹿車麤繒大練勝彼暈榆脫珥延賓推牛享士旁
及翳桑俱傾得水肅若巖若寬尤能逮譙國夫人忠勤之母鈴
析聲清閨闈化洽陶湛母儀鍾郝家法梁梁曾孫亭亭玉立含
報之隆終然莞集苦節能貞甘臨則長方期福慧足享遐齡優
游鞶悅炳煥丹青豈意書春翻成告稔璇室扁和萱幃辭蔭遽
傳青鳥長往瑤岑湘靈一曲滇海悽音盡耗西來邊風送哀軍
民永悼士女長懷隴為輟耕機為停杼社罷春祈碣虛夜杵維
時永安持戈遠戍徒隔龍關空悲鸞馭人龍遁者仍吞甸宣北
橫黎貢東望雲輶遙想五華高張祖奠十大銘旌兩甸冠劍素
車白馬願言執紼職守同羈悲懷紆鬱爰率軍僚并其屬吏洒

淚陳詞銜哀以祭恭承祝史代薦芳蓀司箴邈矣貞石常存幽
靈可格敬我巽尊尚饗

省立甲種農業學校校長張祖蔭暨管教各員

嗚呼旃檀曉折人間之福慧無多仙牒宵飛天上之離瑜復位
是以龍華大會滿地劫沙鶴背靈簫聯翩羽化自昔流光荏苒
百年無不死之林愛日纏絲一痛頽忘憂之草能無蘭陔啜泣
薤露興歌也乎太夫人鹿佑天姝驚湖閨秀庚庚紡績當左芬
最少之年瑣瑣米鹽理許武中人之產男錢女布擘畫周詳木
屑竹頭纖毫剖析儻使神出五寸即是智珠果然富甲一鄉不
須撲滿當其筭年作合旭旦言歸以蔣氏之小姑為盧家之少
婦兩行樺燭半照吟箋三日櫻廚便諳食性固已高柔有婦法

喜為妻無何匡鼎家貧孟宗親老啟范再生塵之甑探阮孚羞
澀之囊重累如山難為債帥臣門似水絕少錢神太夫人慷慨
脫簪從容握算終年馮婦徒奮空拳十索丁娘動勞屈指不是
閨中道蘊為小郎解隔障之圍何能座上馮驩仗大義焚積年
之券更可慘者威姑甫逝嘉耦遽傷兩世孀居一門孤苦其時
哲嗣省三公昆仲垂髫失怙刻骨銜悲一則陸績六齡初知懷
橘一則孔融四歲僅識讓梨太夫人和膽為丸折菱以教數黔
婁之長逝冀靈寶之早成漏盡三商霜天課讀寒生十指月夜
支機然而作善降祥明德有後蒼松翠柏飽歷風霜璞玉渾金
自然華澤太夫人一生苦節四代同堂繞膝者皆江左之兜郎
問安者盡汾陽之孫子或採芹而同遊泮水或攀桂而直步廣

寒我莫賡督軍嶽降崧生位隆望峻九天星斗悉數胸羅萬劫
河山全盤運掌三千里重收巴蜀是諸葛後身數十戰歷定滇
黔并韋皋不朽蓋朱序鎮襄之日正崔邠迎養之時太夫人九
樹花光紅簪一品五華山色青入雙眸宋太君遠隔絳紗看瀟
上還軍之隊王都督齊鳴鼓角獻道旁如意之花固不僅捧杖
分班歡騰佛婢含飴滿口弄及曾孫已也然猶以為一輪赤日
每盈必虧九曲黃河其流愈急讀尚書則服膺戒滿點周易則
栖志撝謙和氣若春不衣自煖虛心似水有節皆通荆釵布裙
立八口家庭之則仁漿義粟存九傳忠厚之風年年上壽巨金
半供鶴俸夜夜故鄉歸夢尚戀牛衣宗族稱賢閭里戴德令者
上元駕返大捨仙歸吊鳳山頭風雨如泣通天臺上祈禱無功

祖蔭等舊託慈雲新唵大雪客中宋玉憤賦招魂亂後王褒怕
聽哭墓酹橋玄之祭酒下達重泉奠徐穉之生芻上陳一束靈
其來格鑒此哀忱嗚呼痛哉省立甲種農業學校校長張祖蔭
暨管教員李琛牛星輝楊樹王仁端陸登瀛李致中陳葆仁魯
家儒李鎮藩夏溥潤曹觀斗楊文清董昶楊德溥張笏江培德
丁時俊鞠躬

東川同鄉代表

維民國八年歲次乙未月建戌辰朔日癸未祭日辛丑東川同
鄉代表等謹以香帛酒醴庶品之儀致祭於旌表節孝唐母朱
老太夫人之靈柩前曰懿惟唐母為鄉之光係出沛國來嬪晉
陽儀則維令柔淑慎將以睦娣姒以孝尊章育生麟鳳並枚連

行比玉於粹比芝於英胡為昊天乃肆厥辜琴方在禦遽折駕
孺耿耿大節惟母持之柏舟髧髧載紹風詩時方多難盜賊以
起饑饉繼之洊臻梓里母也沈沈獨力當門匍匐勉任惟一
身翳彼仁賢好施好子濟困解簪救貧脫珥全活既多惠尤難
紀爰有慈烏載哺其雛緬維母教克承其姑軋軋機杼乙乙書
聲以澈以和恒至漏分翩翩者鸞爭起膠庠撥泮之芹擷桂之
香胡事蒼天又多母阮蘭玉見分瓊枝以折惟母之操百折不
屈吁嗟彼蒼終眷明德有孫岷挺誕膺精靈幼而食庠克繼先
聲留學東瀛痛憤國俗歸即起義一光漢族護國靖國兩役興
師是皆祖訓有以遺斯鎮黔移滇乃謀迎養八座起居尊榮孰
尚天佑苦節錫之大齡皤皤黃髮濟濟元孫一堂四世以顧以

欣萊表繞勝含飴弄側方祝永年以輝東國胡為媮婺一夕沈
光上九燈黯元夕風涼惟我鄉人母澤廢之訃書飛達婦孺泣
垂是伸愛戴敢曰其私金鐘靈遠蔓海流長母節不朽母德彌
光濯濯生芻湛湛旨酒用荐靈堂以享以侑神如有知翩其來
下尚饗

姑姪孫朱文開

維民國八年歲次乙未四月念日總麻服姑姪孫朱文開謹以
清潔素饌之儀泣祭於旌表節孝唐太夫人姑祖母之靈前而
哭曰粵吾宗之肇基兮係出於沛國歷先澤之忠厚兮世修仁
而累德惟高曾其嗣續兮生吾祖與姑者三痛伯祖之早逝兮
遺姑祖其單寒幼稟訓於慈幃兮羗習禮而明詩博皇父之鍾